

EFESOMO ITE CRISTONA HNOTINOMO PABLO ORETAGA RABE

Efesomo ite creyentiaimo Pablo cartana orede

¹ Efeso railla nairaimo ite creyentiai, Pablodicue. Bie carta omoi dine oredicue. Ie rafue lollena, Jusiñamui jitailla jira, Jesucristo oretagamiedicue. Naimiemo omoi jai jainaiilla jira, Jesucristona hnocana jai jaidomoi. ² Cai Moo Jusiñamui, cai Nama Jesucristo diga, omoi na duenaicabillana uiñocana mai omoi jai. Iaimai omoi comeciaina uri itatajacabillana uiñocana mai omoi jai.

Cristomo jai cai jainaiilla jira, Jusiñamui marena itatajacinona feiñotica

³ Cristomo cai jainaiilla jira, Jusiñamui caina eo marena itatate. Ie jira cai Moo Jusiñamuimo iobillacinona cai fecacabillasa, naimiedi Cai Nama Jesucristo ie Moo illanona. Cristomo cai jainaiilla jira, cai comeci marena itatajacinona Jusiñamuimona jai feiñotica. ⁴ Iena ja lloiticue. Enirue nia iñenia, Jusiñamui nana naimiena hnotinona jaie fetode. Cai facaina Cristo ico fodaillena naimie uiñuamona, caina jaie fetode. Naimiemono cai marebicaillena, jeacinona cai finoñellena, caina fetode. ⁵ Caina isiruillamona caina fetode. Naimie eo jitailla jira, naimie uruiaina cai jaillena, caina fetode. Jesucristo fodaillamona Jusiñamui uruiaina

jaidicai. ⁶ Naimie caina fetuamona, naimie caina duenaillana jai uiñoticaí. Iemona naimiedi eo mareuidimiena jiaí jai uiñoticaí. Ie isiruiga Jitomo cai jainaiailamona iena uiñoticaí. Naimiemo buena cai finoñenia, caina duenaite. Naimiena cai iobitallena, caina fetode. ⁷⁻⁸ Caina eo duenaillanona, ie Jito fiodailla jira, Jusiñamuidi jeacino anamona caina jai jillotate. Cai jeacino oni dotajamona, ibana jiaí oñeite. ⁹ Naimiena cai raise inollena, caina abina jai uiñotade. Jusiñamui caina naimie nana caina birui jilloitaiacanana jai uiñotade. Cai cominidi iena jaie uiñoñedimaci; iadedi Jusiñamui jitailla diese Cristo finoca rafuedo caina iena jai uiñotade. ¹⁰ Naimie jitailla facaiseconi, nana caimo ie finoacalle rafue fuiduanona, Cristo anamo naimie nagamiena raise itataite. “Cristo cai Nama” raitimaci.

¹¹ Ie jira naga suide rafue suicana jaide, Jusiñamui jitaillacinona fuidollena. Nana naimie jitailla diese, naimie começi jitailla jira, nana iena finode. Nano facaiseconi naimie cominina cai jaillana naimie uiñuanona, caina jaie fetode. Ie muidona naimie cominina jai jaidicai. ¹² Naimie caina fetuanona Cristona jaie inoticaí. Naimie diga ico jaca cai illemo birui ocuridicai. Naimiena cai iobitallena caina fetode. “Naimie fue eo mare” cai raillena caina fetode. ¹³ Cristona jai birui inotomoi. Uanaicino rafue omoi jai cacajamona, naie mare rafue omoi cacajamona, omoi jeacinomona jai jillobidomoi. Jusiñamui Joreño omoimo illano, navui Cristo llua isoi, naimie dibesimo omoi illana uiñotomoi. ¹⁴ Jusiñamui Joreño caimo jaca illa jira, Jusiñamui diga ico cai jaca illena

uiñotícaí. Jusiñamuidí caina ie comínina jai jaitate, naimiëna cai iobitallena. “Naimie fue eo mare” cai raillamona, naimiëna iobitaitícaí. Naimiemo cai jainaiaila jira, naimiëmona nana cai comeciái marena itatajacinona feiñotícaí.

Naimaci facaina Pablo j#de

¹⁵ Cai Nama Jesúna omoi #nuana jai fidídicue. Nana jiaie creyentiaina omoi isiruillana jai fidídicue. ¹⁶ Ie jirari Jusiñamuimo cue j#ia, omoína feitañedicue. Omoi facaina naimiemo iobillacinona jaca fecadídicue. ¹⁷ Cai Nama

Jesucristo Jusiñamuimo duilla jira, cai Moo Jusiñamui uai siñonana jira, naimiemo cue j#anona, omoi facaina jicanotídicue. Naimie Joreño uaido naimie rafue raise uiñocana omoi jaillena jicanotídicue. Naimiëna raise uiñocana omoi jaillena jicanotídicue. Iese omoi facaina jicanocabitídicue.

¹⁸ Naimie díbeimo omoína naimie jai uaidua jira, naimie díga íco jaca omoi illemona, iëna omoi raise uiñuana jitaídídicue. Naimie comínina omoi jai jailla jira, naimie illanomo íco eo marena iocíre iitomoí. Iëna omoi raise uiñuana jitaídídicue. ¹⁹ Naimie uai ua eo siñonana omoi uiñuana jitaídídicue. Naimiëna cai #nua muidona, ie uaido naimie caina canorede. Iëna omoi raise uiñuana jitaídídicue. ²⁰ Fiodaillamona Cristona

ie uaido Jusiñamui jai jillotaja jira, naimie uai siñonana uiñotomoí. Fiodaillamona Cristo jillua mei, monamo Cristo abído jailla mei, ie ecímo Jusiñamuidí Cristona illaimana dane itatate. ²¹ Ie jira Cristo nana Jusiñamui jaiënisai afemo ite. Ua nana comíni afemo naimie ite. Taife afemo naimie ite. Janaba afemo naimie ite. Naie iaimaiái isoide

joreñuai afemo naimie ite. Birui iese ite. Ico iese nia iite. ²² Jusiñamuidi naga ra Cristo anamo ua jai itatate. Cristona nana creyentiai imaci illaimana jiai ua jai itatate. ²³ Cristomo daajena nana cai creyentiaidicai di duidicai. Naimie anamo cai illanona, naimie nana caina ocuicabide. Ie jira marena cai illena naimie jitailla isoi, naimie nana caina birui canocabide.

2

Jusiñamui caina isiruilla jira, cai jeacinomona jai jillobidicai

¹ Jusiñamuina jaie omoi nia inoñenia, naimiemo omoi duiñena jira, naimiemona fioidaitino isoidomoi. Jeacino anamo omoi illa jira, naimiemona fioidaitino isoidomoi. Jeacino finocana jaidomoi. Maraiñedinona finocana jaidomoi. ² Jeacina ebiruitomoi Jusiñamui dibeimo inedino rafuedo jaidomoi. Taife dibeido jai jaisoidomoi. Jusiñamuina oiacañedino Taife jitailla rafuedo jaisoidimaci. ³ Naimaci isoi jaie nana iticai. Cai comeciaino ite jearede jitaillacinona finodicai. Iedo jai jaisoidicai. Ie jira Jusiñamui ricailafue anamo jaie iticai. Iese jaie nana iticai. ⁴⁻⁵ Jeacina jaie cai finua jira, jeacino anamo iticai. Jusiñamuina inoñedicai; iadedi Jusiñamui caina eo duenailanona, caina eo isiruillamona, naimie diga ico jaca cai illena, naimie dibeimo caina itatate. Fioidaillamona Cristona Jusiñamui jillotaja jira, jeacino anamona caina jai jillotate. Ie muidona monamo ico iiticai. ⁶ Cristona jillotaja mei, Jusiñamui ie ecimo naimiena dane itatate. Cristomo cai jai

jainaiaila jira, Jusiñamui nainomo caina jai jainaiatate. ⁷ Cristo finoca rafuemona caina iese jai itatate. Caina iese jai itatajama, nana cominidi Jusiñamui caina eo duenaillana uiñoitimaci. ⁸ Naimie caina duenaillanona, caina jai jillotate. Jaca buena cai finuamona jillobiñedica; iadedi naimie jitailla jira, naimie caina jai jillotate. ⁹ Cai jilloillena jaca buena cai finoñena jira, abina iedoñedica. ¹⁰ Jesucristomo cai jainaiailamona, ie cominina cai jaillamona, cai illa isoi naimie caina itatate. Iese cai illamo Jusiñamui comeci jaie facajano, mare rafuena finocana cai jaillena, naimiedi cai comeciaina marena itatate.

Cristomo jai cai duilla jira, jaiie nairaii diga birui uri itica

¹¹ Omoi jaie isoillana uiñotomoi. Iena comecitomoi. Jusiñamuina jaie uiñoñedomoi. Judíuaiñedinona omoi jeiciñena jira, cai judíuai comini isoi abiana detatañedomoi. Ie jira cai cominimona maraiñedomoi. ¹² Omoi jeacinomona Cristo omoina jilloitaiacanana naie facaiseconi uiñoñedomoi. Cai judíuai nairaimo jainaiiñedomoi. Ie muidona Jusiñamui cai judíuai cominimo jaie lloga rafuena uiñoñedomoi. Jusiñamuina nabaillana uiñoñedomoi. Jusiñamui diga omoi ico jaca illena uiñoñedomoi. Jusiñamuina omoi uiñoñena jira, naimiena sedañedomoi. ¹³ Naimie dibeimo jaie jaiñedomoi; iadedi Jesucristomo birui duidomoi. Jusiñamui jaie iñoñedomoi; iadedi Cristo jai fiodailla jira, naimiena birui iñotomoi. Naimiena omoi jai iñuamona, cai diga naimie dibeimo jai itomoi. ¹⁴ Naimie omoi comeci jai

uri itatate. Cai comeciaí jiaí jai uri itatate. Cai judíuaímona omoína jaie jearuiticaí. Iese jaie iticaí; iadedí Cristo muidona daní conína nana biruí nabaidicaí. ¹⁵ Cristo fiodaillamona Moisés micorí jaie llogacino anamo jai inedicai. Naie llogacino daní cai judíuaímo duilla jira, Jusiñamui díbeimo jaie inedomoi; iadedí Cristo finoca rafue muidona, biruí daajena jaidicaí. Omoína jaie cai gaiñena jira, omoína jaie nabaiñedicaí; iadedí Cristomo daajena cai duilla jira, biruí nabairedicaí. ¹⁶ Cruzmo Cristo fiodailla jira, Jusiñamui díbeimo cai illamona, mena nairaimona caína daje nairaina jai itatate. Ie jira daje nairaina uri iticaí. ¹⁷ Cristo jaie billanona, mare rafuena llote. Omoi judíuaíñedinomo, cai judíuaímo, comeciaí uri illana llote. Nana caína jilloitaiacanana llote. ¹⁸ Naimie muidona Jusiñamuina jai nabairedicaí. Jusiñamui Joreño caína canuamona, naimie diga biruí nabairedicaí. ¹⁹ Jusiñamui comínina omoi jai illa jira, nana naimiena inotino diga Jusiñamuimo daajena duidomoi. Caímona biruí jiaie cominiñedomoi. ²⁰⁻²² Jofo isoidicaí. Jofona cai finoacania, naie ibirí nano finodicaí. Ie mei diga rana cai atiamona, iena niticaí. Ie isoide. Diga jiaie isoide cominiaina iticaí; iadedí Cristomo daajena jai duidicaí. Naimiedi biruí nana cai Nama. Cristo facaina llorainimona naimie rafuena jai cacadicaí. Jusiñamui Joreño caína canuanona iena inoticaí. Iena cai inuamona, naimie jitailla isoi, mare rafuena finocana jaidicaí. Cai diga Cristomo omoi jai duillamona, Jusiñamui Joreño nana cai comeciámo jai ite.

3

Judíuaiñedinomo Pablo Cristo rafuena llofujete

¹ Jesucristo rafuena omoi judíuaiñedinomo cue llofueuilla jira, cárcelmo iticue. ² Omoína naimie duenaillanona, omoína llofuellena, Jusiñamui cuena oretate. Iena jai uiñotomoi. ³ Jusiñamui cuemo jaie uiñoñega rafuena jai llote. Naie rafuena janore como jai cueticue. ⁴ Bie carta omoi facaia, Cristona jaie uiñoñega rafuena cue jai uiñuana uiñoitomoi. ⁵ Jusiñamuidi cominimo iena jaie raise uiñotañede; iadedi ie Joreñodo Cristo facaina llorainina iena birui jai uiñotade. ⁶ Iena lloiticue. Judíuaiñedomoi; iadedi Jusiñamui cuemo jaie llote: “Judíuaiñedino Cristona ñnuanona, omoi judíuai isoi jilloitimaci” llote. Omoi facaina Cristodi fiodaite. Naimiena omoi ñnoia, omoína ie uruiaina cai isoi jai itatate. Naimiedi nana cai Moo. Jai daje nairaidicai. Cristomo daajena duidicai. Cristo rafuena omoi ñnuamona, naimie jai llua isoi, Jusiñamui diga ico jaca iitomoi. Jusiñamui cuena iena jaie uiñotade. ⁷ Jusiñamui jitailla jira, cuena naimie duenaillanona, naimie uai cuemo illamona, naie mare rafuena llofuecabiticue. ⁸ Creyentena nia cue jaiñena facaiseconi, creyentiaína jaie cue duere finouilla jira, jamai bue isoidicue. Nana jiaie creyentiai cue baifemo faitimaci; iadedi Jusiñamui cuena duenaillanona, ie rafuena cue llollena, cuena oretate. Cristo caina eo raise marena canocabillana llofuecabiticue. ⁹ Naie jaie uiñoñega rafuena nana comini birui uiñollena, cuena oretate. Jusiñamui naga rana finode; iadedi

naimie jitailla jira, naie jaie uiñoñega rafuena jaca buna jaie raise uiñotañede. Nana comini iena birui raise uiñollena, cuena oretate. ¹⁰ Judíuaiñedino judíuai diga creyentiaina jaillamona, Jusiñamui jaienisaí naimie uai siñonana uiñoitimaci. “Naimie fue eo mare” raitimaci. ¹¹ Jusiñamui jaca jitailla isoi, naie rafue suicana jaide. Cai Nama Jesucristona naimie oretajanona, cai facaina Cristo fiodaite. Iemona Jusiñamui jitailla rafuedi suide. ¹² Cristona cai ñnua jira, Jusiñamui diga jaciruiñeno birui jai ñairedicai. Naimie caina cacajana jiai uiñotícaí. ¹³ Cristo rafuena omoimo cue llua jira, birui duere sefuidicue. Cárcelmo cue duere sefuilla jira, Cristo rafuedo jaillena omoi comeciaí sefuiruisiñeno; iadedi Cristo rafue omoimo cue lluanona cue duere sefuia, iobicana omoi jai.

Cristo caina eo isiruite

¹⁴ Cai Moo Jusiñamui caina eo canocabillanomo cue comecina facaia, naimiemo jüdicue. ¹⁵ Naimiedi nana creyentiaí imaci Moona jira, naimiemo jüdicue. ¹⁶ Naimiemo cue jüanona, omoi facaina jüdicue. Naimiemo eo ebirede siño iticino illamona, ie Joreñodo naimie omoi comeciaina raise ocuiñotallena jücanotícue. ¹⁷ Cristona omoi ñnuamona, naimie omoi comeciaina raise namatallena jücanotícue. Jusiñamuina omoi isiruicana jaillana jüdicue. Jiaie cominina omoi isiruicana jaillana jiai jüdicue. ¹⁸⁻¹⁹ Cristo caina jaca eo isiruillana, nana jiaie creyentiaí diga jaca eo isiruillana, omoi eo raise uiñuana jüdicue. Naimie caina eo isiruillacino cai

comeciai facajacino baifemo uaila jira, naimie caina eo isiruisoillacinona jaca raise uiñoñedica; iadedi iena janore cai uiñuamona, Jusiñamui omoi comeciaina namatallena jiidicue. Iese omoi facaina jicabidicue.

²⁰ Ie jira Jusiñamuimo iobillacino cai fecajasa. Ie uaido cai comeciai marena icana jaitate. Naimiemo cai jicajacino baifemo naimie fecarede. Cai comeciai facajacino baifemo naimie jiai finorede. ²¹ Ie muidona naimiemo iobillacinona nana cai creyentiaidicaidi fecacabillasa. Jesucristo finoca rafue muidona iobillacinona jiai cai fecacabillasa. Mai.

4

Jusiñamui Joreño jai caimo illa jira, cai comeci daje isoi lloide

¹ Cárcelmo nia cue illamona, omoimo rafuena nia lloiticue. Cristo rafuena cue llofuia jira, cárcelmo iticue. Creyentiaina omoi jai jailla jira, Cristo jitailla isoi omoi i. Jusiñamui omoina jai fetode naimie jitailla rafuena omoi finollena. ² Ie muidona abina jaca iedoño. Raire iciriño. Jiaimie ona duere finoia, ibana oño; iadedi uai oño naimiena jaca isirui. ³ Jusiñamui Joreño omoimo illamona, omoi comeciai daje isoi lloicana jai. Daje isoi omoi comeciai lloillamona, omoi jitaillamona dani uri omoi i. ⁴ Iena nia lloiticue. Cristona cai ñnuamona, daajena naimiemo jainaaidicai. Jusiñamui Joreño nana caimo illamona, dani omoi comeciai lloicana omoi jai. Jusiñamui caina jai fetode. Ie muidona naimie diga jaca cai illena, naimie isoi cai illemo

ocuiridicai. ⁵ Jaca dajede Nama sedacabidicai. Caina jilloitallena, da naimiena ñnoticai. Dama naimie facaina bautizaganodicai. ⁶ Cai Moo Jusiñamui jaca dajede. Jaca dajede Jusiñamuina nana cai creyentiaidicaidi sedadicai. Naimie anamo nana iticai. Naimie jitaillacinona cai finollena, caina canocabide. Caina canollena, naimie Joreño caimo jaca ite.

⁷ Naimie jitailla diese, caina fetuanona, naimie facaina cai maijillena, ie uai caimo fecade. Jiaie creyentiaina naimiemo ñnotacana jaillena, ie uai caimo fecade. ⁸ Iena cai raise uiñollena, David micori jaie cuegafuemonona fueoiticai. Naimie cuega: “Monamo abido naimie jaillanona, illaimana naimie illamona, ie cominina naimie ifuanona, naimacimo rana fecade”. Cristona ñaite. Iemonona Cristo cai maijiacino caimo illana uiñoticai. ⁹ Biemo omoi comeciaina faca. Monamo abido naimie jailla jira, monamonona eniruemo Cristo nano billana uiñoticai. ¹⁰ Eniruemo bite; iadedi monamo abido jaide. Nana cominina birui sedade. Naimie baifemo jaca buna iñede. ¹¹ Ie jira caimo ie uai jai fecajanona, caimona ie llofueoicaiganona fetuanona, ie rafue raise llofuellena, naimacina oretate. Damieriemo ie facaina ie rafuena jino lollena, ie uaina fecade. Ie rafuena nia ñnoñedinomo lollena, damieriemo ie uaina fecade. Creyentiaina ie rafuena llofuellena, damieriemo ie uaina fecade. ¹² Iese ie uaina fecade, naimie facaina raise cai maijillena, nana jiaie creyentiaina cai canollena, Ie mei Cristo rafuena daajena ñnocana jaiticai. ¹³ Iena cai ñnuamonona, Jusiñamui Jitona raise

uiñocana jaiticai. Cai comecidi daje isoi lloicana jaiticai. Naimie jitaillacinodo raise jaiticai. Naimie marena icana illa isoi jaiticai. ¹⁴ Cai uruiái facaise cai comeciai naganomo ite. Naie facaise nie isoide rafuena cai cacajia, iena raire ñnoticai. Cristo ñnocana cai jaillamona, uruiái isoi cai iacaiñena. Damierie naga llofueraima uaido jaidimaci. Damierie llofuerainidi Cristo rafuena raise llofueñedimaci; iadedi jifuetimaci. Tainona llotimaci. Iedo cai jaiñena; ¹⁵ iadedi jiaie cominina cai isiruillamona, uanaicinodo cai jailla. Cristo isoi icana cai jaillamona, abina uiñoiticai. Cristodi cai illaimana jira, caina ocuide. ¹⁶ Naga creyente naimiemo jainaiáide. Aillosiedicai; iadedi daajena naimiemo jainaiáidicai. Daajena naimiemo cai jainaiáillamona, naimie jitaillacino cai finoia, naimiena ñnocana jaiticai. Iemona dani coninina isiruicana jaiticai. Daajena naimiemo cai jainaiáilla jira, cai comeciai daje isoi lloicana cai jailla.

Cristomo jai cai duilla jira, naimie rafuedo birui jaidicai

¹⁷ Omoimo nia lloiticue. Cai Namamo cue duilla jira, buena lloiticue. Jusiñamuina ñnoñedino isoi dane omoi iñeno. Jaie naimaci isoi itomoi. Naimaci comeciáidi tainomo jai jaide isoide. Cacarefiacaiñedimaci. ¹⁸ Jusiñamui rafuena uiñoñedimaci. Iena cacaiñedimaci. Abina naimaci uiñoñena jira, Jusiñamui ñibeimo illana jaca uiñoñedimaci. Unaicinona uiñoiacaiñedimaci. ¹⁹ Jearede rafuena naimaci finoia, meiruiñedimaci. Naimaci comeciai oiacana

rafuedo jai jaidimaci. Naga jearede isoide rafuena eo finocana jaidimaci; ²⁰ iadedi Cristo rafuena omoi cacajamona, naimiena omoi raise uiñuamona, naimaci isoi omoi illena fueoñedomoi. Cristo rafuena omoi cacajamona, jaiena illena jai fueotomoi. ²¹ Naimiena cacajanona iena ñnotomoi. Naimiena cue llofuiamona, naimiena Cristo facaina lloraini llofuiamona, danomo omoi roracomoi omoi ofia, Cristo uanaicinona cacadomoi. ²² Biena omoina llofuecabiticue. Cristona jaie nia omoi ñnoñena isoi, omoi jaiñeno. Omoi comeciaino jaie iticinodo jaiñeno. Naga jearede rafue omoi comeciaino oiacanamona faificana jaie jaidomoi. Iedo birui jaiñeno; ²³ iadedi Cristo ñibeimo omoi jai illanona, naimiemo omoi comeciaino facajano, Jusiñamui omoina canuamona, omoi comeciaino iuaillaina meidocana jai. ²⁴ Cristo rafuena birui ñnotomoi. Naimie jitaillacinodo omoi mai jai. Jusiñamuidi jeacino finocana omoi jaiñenana jitaide. Naimie marena isoi, marena icana omoi jaillana jitaide. ²⁵ Ie jira tainona lloñeno. Cristomo daajena jai jainaiaila jira, coninimo uanaicinona jaca omoi llono. Jiañona omoi jifueñeno. ²⁶ Maraiñedicinona bu finoia, naimiemo riire llono; iadedi iese o lloia, naimiena jeare ñaiñeno. Jiaimie ona icia, naimiena jeare ñaiñeno. Naimie ñiga o rafue ia, naie rafue nairuido marena fino, ²⁷ Taife ramo o fai raillano. Bu ñiga o ñicino ia, iena raire marena o finoñenia, ñbana oiacanito. Naie raire o feitañena jira, Taife ona jeacina finotaite. Iese suiñellena, naicino raire marena fino. Iena feita. Iena dane abido lloñeno. ²⁸ Naimiemo ra illena, fñamona

omoimona navui bu ia, creyentena naimie jai jailla jira, naimie dane fiñena; iadedi ra naimie jitaia, naimie maijite. Ie maijiamona ie ra ollena, ucubena feiñoite. Ie mei dueredinona naimie jiai canoite. ²⁹ Jeare ñaiño; iadedi nie isoide rafue ia, marecinona ñaino. Ie mei naiemona jiaie cominina canoitomoi, Jusiñamui dibeimo naimaci raise illena. ³⁰ Jusiñamuimo omoi jai jainaiaila jira, jeacinona finoño. Jeacino omoi finoia, Jusiñamui Joreñodi sunaite. Naimiena sunaitaño. Naimie caimo illamona, caina jillotajana uifoticaí. Cristo dane abido billemona, naimie dine cai jaca illena, caina jai jillotate. ³¹ Jiaie cominina iciño. Iciño. Uaina uaitaño. Jiaie cominina jeare ñaiño. Naimacina duere jeare finoño; ³² iadedi coninina canua. Jiaie cominina duenai. Jiaimie diga omoi nicino ia, naimie finoca rafuena faitajanona, naimie diga marena ñaino. Naie rafuena dane abido linoño. Cristo finoca rafue muidona, Jusiñamui omoi jeacinona jai faitaja isoi, jiaimie diga omoi rafue ia, naifuena omoi feita.

5

Jusiñamui cominina jai cai illamona, naimie jitaillacinona fnoiticaí

¹ Jusiñamui isiruiga uruiaidomoi. Naimie marecinona finua isoi, omoi fino. ² Cristo caina isiruilla isoi, coninina isiruicana omoi jai. Naimie jitailla jira, caina isiruillamona, cai facaina naimie fiodaite. Cai jeacino oni dotallena naimiedi fiodaite. Naimie iese fiodailla jira, Jusiñamuina eo iobitade. ³ Jusiñamui cominidomoi. Omoi aiñede riño diga iño. Omoi iniñede ima diga iño.

Rana nicidoñoeno. Jearede rafue finuamo omoi comeaiena facañoeno. ⁴ Jearede rafuedo jaiñoeno. Jamai ebena ñaiñoeno. Meiredicinona ñaicana jaiñoeno. Naie isoide rafuedo creyentedi jaiñoena; iadedi Jusiñamuimo iobillacinona fecacana omoi jai. ⁵ Ie aiñede riño diga icabitimiedi Jusiñamui illanomo duiñede. Cristo ie cominina sedajanomo duiñede. Ie iniñede ima diga icabitinaiñodi Cristo ie cominina sedajanomo jiai duiñede. Ie rana Jusiñamui ifomo naimie sedaja jira, rana nicidocabitimiedi Cristo ie cominina sedajanomo duiñede. Cue lloga rafuena jai raise cacadomoi. ⁶ “Creylene naie isoide rafuena finorede” bu lloia, naimie omoi na jifueiacade. Naimie iese lluaña inoñoeno. Jusiñamui naie jeacinona finocana jaidinona duere finoite. ⁷ Ie jira naimaci jearede finoca rafuedo jaiñoeno. Naimacina nabaiñoeno. ⁸ Jusiñamuina jai e omoi uiñoñaena jira, jiti redinomo itomoi isoidomoi; iadedi cai Namamo omoi duillamona, uanaicinona inocana omoi jai. ⁹ Jusiñamuina omoi jai uiñoia, jeacinona omoi fañonocaia, Jusiñamui jitaillacinona finocana jaitomoi. Uanaicinona llocana jaitomoi. ¹⁰ Buena o finoacania, Jusiñamui jitaillacinona o finuacinomo o comeina nano faca. Cai Nama jai lloga uaido omoi jaicabillamona, naimie jitaillacinodo jaca jai. ¹¹ Jiti redinomo nia itino finoca rafuedo omoi jaiñoeno. Naimaci finoca rafuemona marecinodi jaca comuiñede. Naimacimo: “Maraiñede” llono. ¹² Iena cue meidalla jira, naimaci jearede bainino finoca rafuena ñaiacaiñedie. ¹³ Marecinona omoi jaca finuamona, jiaie comini naimaci finoca rafue eo

maraiñenana raise uiñotimaci. ¹⁴ Cai ofia, naiena rocabiticai:

Mai casi. Iniñeno.

Jai fioidaitino isoidomoi;

iadedi omoi comeciaina Cristo jai lligaiñoite.

¹⁵ Ie jirari omoi marena illena, abina rairuicana omoi jai. Jusiñamuina inoñedino ebena jaicabidimaci. Naimaci isoi jaiñeno.

¹⁶ Diga maraiñede rafue birui comuicabilla jira, cominina Cristo dibeimo raise omoi itatajallena, nagarui Cristo jitaillacinona finocana omoi jai.

¹⁷ Ie jira ebe isoi jaiñeno; iadedi Cristo jitaillacinona uiñocana omoi jai.

¹⁸ Iocire omoi iacania, naiemona diga maraiñede rafue comuilla jira, jifaiñeno; iadedi omoi comeciaina naimie namatallena, Jusiñamui Joreño anamo raise omoi mai i. Iemei naiemona diga mare rafue comuite. Iocire jiai iitomoi.

¹⁹ Danomo omoi ofia, nana omoi comeciainona diga isoide ruana iocire ro-rona. Omoi ruamona jiaie creyentiai comeciaina ocuiñota. Cai Namamo omoi ruamona, omoi fillamona, omoi taillamona, naimiena iobitaitomoi. ²⁰ Cai Nama Jesucristomo omoi duillamona, nie isoide rafue omoimo ia, cai Moo Jusiñamuimo iobillacinona jaca fecá.

Cristomo jai cai duilla jira, cai comini diga marena iacadica

²¹ Cristo anamo omoi illa jira, jiaie creyente bai femo omoi faiacinomo omoi comeciaina fa-cañeno; iadedi coninina nagamiaina cano.

²²⁻²³ Inirediñaiñuai, omoimo rafuena lloiacadicue. Cai Nama Cristomo omoi jainaiaila jira, naimie jitailla jira, omoi iniñiai anamo

raise omoꝝ i. Naimaci uaina raise ñno. Cristo nana creyentiaꝝ afemo illamona, naimacina naimie sedaja isoi, naga ñni ie aꝝ afemo illamona naiñaiñona sedaja. Cristodi nana creyentiaꝝ imaci jeacinomona jillotajamona, naimie anamo itimaci. ²⁴ Cristo anamo nana creyentiaꝝ illa isoi, naiñaiñuai ñniñiaꝝ uaina jaca ñnua. ²⁵ Airedino, omoimo jiaꝝ lloiticue. Nana creyentiaina Cristo isiruilla isoi, omoꝝ ainiaina isirui. Nana caina naimie isiruillamona, naimie jitailla jira, cai facaina naimie fiodaite. Ie isoi omoꝝ ainiaina omoꝝ isirui. ²⁶ Nana creyentiaꝝ marena illena naimie fiodaite. Jusiñamui jitailla isoi, caina marebicaitate. Cristo fodailla jira, Cristo jai lloga rafuena cai ñnuamona, cai jeacinomona jai jillobidicaꝝ. ²⁷ Fiodaite, nana cai creyentiaꝝ comeciaꝝ marena illena. Cai comeciaꝝ jeaninana jitaide. Cristo abido bille facaisemo, Jusiñamui jitailla isoi cai marenana jitaide. ²⁸ Naimie abi naimie isiruilla isoi, naga ñni ie aina isiruilla. Iaimaiaꝝ daajena jira, ie aina isiruitimiedi ie abina jiaꝝ isiruite. ²⁹ Jaca bu ie abina enoiñede; iadedi ie abina sedade. ³⁰ Naimiemo nana cai creyentiaꝝ duilla jira, Cristo caina isiruillamona, caina sedade. Ie isoi nagamie ie aina isiruilla. ³¹ Bie jaie lloga uaimona iena uiñoticaꝝ. Moisés micori Jusiñamui llwana jaie cuela: “Ie aina ollena, iima ie moona, ie ei diga fainonocaita. Iemei dajena iitiaimaiaꝝ”. ³² Naie llofuiaicinomona jiaꝝ rafuena fueoticaꝝ. Cristona ñaiticue. Creyentiaina ñaiticue. Naimiemo cai duillamona, daajena iticaꝝ. ³³ Dane lloticue: Ie abina isiruilla isoi nagamie ie aina isiruilla. Nagañaiño ie ñni uai uaitaño ñnua.

6

¹ Uruiaí, omoimo rafuena lloiacadícue. Cai Nama jitailla jira, omoi eiñiaí uaina ñno. Omoi mootiaí uaina jiaí ñno. Jusiñamuimona mare-nana jira, iaímaiaí uaina ñno. ²⁻³ Moisés micorí Jusiñamui lloga uaina jaie cuela: “O moo uai ñno. O ei uai ñno. Marena o illena, raíre o fioidañellena, iaímaiaína o isiruillamona, iaímaiaí uaina ñno” cuela. Jusiñamui díga lletarafuena llote; iadedí bie nanoca rafuena llote. ⁴ Mootiaí, omoimo lloiticue. Omoi uruiaína jamai ícñeno; iadedí naimacína cai Namana naimací uññollena llofue. Naimací ñnoiacañenia, abina naimací uññollena, naimacína isiruillamona, naimacína duere fino.

⁵ Patrón anamo itino, omoimo lloiticue. Omoi patrones ocuica uaina ñno. Omoi maijiana naimací ocuía, naimacína iobitallena, jaciruoicaída raise maiji. Omoi comeciaímona naimací jitailla rana maiji. Cristo iedena, naimací ocuica uaina ñno. ⁶ Omoimo naimací eruaía, naimacína iobitallena, marena maiji; iadedí omoimo naimací eruaññenia, naimacína iobitallena, nia marena maiji. Naimacína iobitallena maiji; iadedí Cristomo omoi duilla jira, Jusiñamui jitailla jira, omoi comeciaí maiji raillamona, marena omoi maiji. ⁷ Patrón facaina maijiacínomo daní comecína facañeno; iadedí iocíre maiji, cai Nama facaina omoi maijidomoidena. ⁸ Biena uññotícaí: Marena bu maijía, cai Nama Cristomona íbana íco feññoite. Patrón anamo itino iena feññoitimací. Patrón anamo íñedíno iena jiaí feññoitimací. ⁹ Patrones, omoimo lloiticue. Omoi Nama Cristo monamona omoimo eruailla jira, Cristo

monamona naimacimo jiai eruaila jira, omoi anamo itinona marena fino. Naimacina riire ocuiñeno. Naimacina jeare finoñeno. Cristo nana naimie cominimo daje isoi comecina lloide. Ie jira omoi anamo itinona marena fino.

Cristomo jai cai duilla jira, naimie cai comeciaina ocuiñotaite

¹⁰ Ie muidona nia lloiticue. Cai Namamo omoi duilla jira, naimiedi omoi canocabillamona, omoi comeciaina ocuiñotacana omoi jai. ¹¹⁻¹² Ero, Taife caina ramo jifueoicaida faite. Caina anafetitaiacade. Naimie isidino caina jiai anafetitaiacadimaci. Naimacidi aillosie. Naimaci anamo nana Jusiñamuina ñinoñedino jai itimaci. Jitiredinomo naimaci illanona, Jusiñamui dibeimo iñedimaci. Beno eniruemo itimaci. Jusiñamui illanomo duiñedimaci. Cominina ñaiñedicue. Taifena, Janabana, Dofina, jananiaina, Dusisiñona ñaiticue. Naimaci isoide joreñuaina ñaiticue. Cai dibeimo iñedimaci. Naimacimona abina omoi rairui. ¹³ Jobaime illa facaiseconi, soldaduai imaci ra diga imaci abiaina riidotimaci. Cinturón jitadimaci. Lloemamona finoca ra jogobemo jitadimaci. Zapatona jitadimaci. Uico riidollena, naimaci uico riidua rana llinotimaci. Ifogi icona jitadimaci. Lloebina llinotimaci. Ie isoide. ¹⁴ Cristomo omoi comeciai facajanona, uanaicinona jaca llono. Jusiñamui jitailla isoi, marecinona finocana omoi jai. ¹⁵ Cristo rafuemona omoi comeciai uri itatajamona, iena meiruiñeno llocana uiño. ¹⁶ Taifemona nana jearede rafuedi comuide. Naimiedi ramo faiacana jai jaide. Cristona omoi ñnuamona, Taife ramo

faiacinona jamai. ¹⁷ Jusiñamui caina jai jilloitajana jai uiñotomoi. Iena omoi uiñuamona, Taife ramo faiacinona ñnoñeno. Taifena anafenollena, Jusiñamui Joreñodo Jusiñamui uaimona fueo. ¹⁸ Jusiñamui Joreño omoina canuamona, Jusiñamui diga ñaicabi. Taife ramo omoimo faia, iena omoi ñnoñellena, Jusiñamui omoina canoite. Iese abina omoi rairuia, Taifena anafefitaitomoi. Taife ramo faiacino naimaci ñnoñellena, nana jiaie creyentiaí facaina jiaí jicabi. ¹⁹ Cue facaina jiaí omoi jii. Marefodo nana Cristo ie rafuena cue lluana omoi jii. Cristo nana cominina jilloitaiacanana nia lloiacadicue. ²⁰ Naie rafue cue lloiena, Cristo cuena oretate. Naie rafuena cue llua muidona, cárcelmo iticue. Cue jitailla diese iena marefodo cue lluana mai omoi jii.

²¹⁻²² Tíquico omoi dine oretaiticue. Naimiedi cue isiruiga ama. Naimiedi ñnogamie. Cristo rafue facaina cuena canocabide. Omoimo cue illana lloite. Cue finoca rafuena lloite. Naimiemona cue rafuena fidiitomoi. Iena cacajamona omoi comeciaí ocuiñoitomoi. ²³ Cai Moo Jusiñamui, cai Nama Jesucristo diga, omoina uri itatajamona, Cristona jai omoi ñnuamona, coniniri uri icana jaillana jitaidicue. Iaimaiaí omoina isiruillamona, iaimaiaína omoi ñnuamona, nana jiaie creyentiaína isiruicana omoi jai. ²⁴ Cai Nama Jesucristona omoi eo isiruilla jira, Jusiñamuidi omoina duenailasa. Mai. Pablodícue.

**Jusiñamui uai: Jusiñamui jito rafue illa
rabenico**
**New Testament in Huitoto, Murui (PE:huu:Huitoto,
Murui)**

copyright © 2008 Wycliffe Bible Translators, Inc.

Language: Huitoto, Murui

Translation by: Wycliffe Bible Translators, Inc.

Huitoto, Murui [huu], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Murui

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files dated 29 Jan 2022

145a1f66-dca1-5de3-9c00-4e533605e488